

新刊增廣百
家詳補註

唐柳先生文

七

宋蜀刻本唐人集



YZL10890174433

本社
編

宋蜀刻本唐人集



YZL10890174433

四十七册

〔唐〕柳宗元 撰

新刊增廣百家詳補註
唐柳先生文集

顧廷龍題



新刊增廣百註音辨唐柳先生文卷第三十七

表慶賀

禮部為百官上尊號表

韓曰尊号古所無有自唐高宗始稱天皇中宗稱應天至明皇遂有開元聖文神武之号自是以為法肅宗即位次年正月遂加冊號代宗即位次年七月群臣遂尊号至憲宗立於永貞元年八月禮部百官當復遵此議公是時尚為禮部員外郎故預作此表然公是年九月黜為邵州刺史繼貶永州司馬焉至元和三年憲宗方上尊号

臣某言伏以聖王之纂承天位也臣子必竭懇誠獻尊號安敢為佞禮在其中一則以告天地

神祇二則以奉宗廟社稷三則以安華夏蠻貊

魏魏大稱其可廢乎臣等誠懽誠望頓首頓首

伏惟皇帝陛下協周文之孝德張曰禮記文王之為世子朝於

王季日三云云齊大禹之約身張曰孔子言禹非飲食惡衣服

是其孝德也孔帝堯之法天張曰論語惟天為大惟堯則之過殷

湯之解網孫曰史記湯出見野張網四面祝曰自天下四方皆入吾網湯曰嘻盡之

矣乃去未踰周月四海將致於時雍童曰書黎民於變時

雍俯及元正率土更欣於再造然神人之願億

兆之情有所不安率謂未盡善者以為帝德廣

運而尊號猶闕童曰書帝德廣郊廟備禮而祝

嘏無詞

韓曰嘏嘏古雅切

受福曰

凡百競懷華夷屬望臣謹

按昔臯陶之頌舜伊尹之頌湯皆臣子至公面

揚君父以敷於當代以播於無窮夫豈飾哉率

由事實帝王尊號蓋漸於此皇家光被四表祖

宗列文

劉曰詩列文辟公

時當大和尊號表德耳目所

接簡牘斯存稽之於前典則如彼考之於聖朝

則又如此今龜筮習吉

孫曰

書龜筮協從卜不習吉吉注云習因也

元正戒期當品物惟新之時乃皇天大禮之日

陛下郊天地饗宗祧

韓曰

祧遠祖音挑

陰陽協和動

植交暢不建至尊之稱恐違列聖之心所以目

等冒死陳聞請上徽號伏惟陛下小謙讓之節安
延企之情特詔名儒禮官百僚庶尹詳明故實
議崇聖德則人望永厭神心獲安山川效靈光
贊無疆之壽祝史陳信信或作言者誤永彰不朽之
功臣等蒙國寵榮備位班列無任懇望之至

第二表

臣某等言臣等再陳丹悃謹獻鴻名天意未從
隕越無措臣某誠惶誠恐頓首頓首謹按堯曰
咨爾舜舜曰格爾禹孫曰書之文湯曰吾自甚武自
號曰武王孫曰史記出則堯舜禹湯皆當時王者之

號也考皇帝之故實徵往聖之憲章允協禮經

煥乎圖謀伏惟皇帝陛下允恭克讓約已謙尊

參天兩地之功童曰參天兩地倚數易為而不有安上理

人之德張曰孝經安上禮莫善於禮置而不論至哉王言

群下所仰望也然臣等伏以為尊號者所以類

上帝際曰書肆類于帝類祭名饗祖宗萬人所稱百蠻所

仰表聖德於率土播天聲於無疆臣下請之之

謂禮帝王承之之謂孝孝大於讓禮先於謙百

王不刊之典安可得而廢也臣等又以春秋本

於五始際曰五始者謂元年春王正月公即位是也王褒傳又有曰共惟春秋法五始

卷十一

三

之元者一歲之首春者四時之首王者受命
之首正月者政教之首郊天大禮者立極之首
今天地交泰俯臨元辰正始之美正當其運陞
下確違群願固守謙冲此臣等所以兢惕失圖
惴惴無措上冒嚴憲敢述厚責伏乞俯垂天聽
察納微誠詔禮官議臣所請揆日推禮

詩揆之以日作

子楚室
揆擇也

虔奉鴻休盡敬於此猶恐天光未照三

獻無徵彷徨闕庭伏待斧鑕無任聳望之至

禮部賀冊尊號表

韓曰古今集中皆題云禮部賀冊尊號表非也憲宗元和三年初加尊號獻聖

文武皇帝至元和十四年七月再上元
和聖文神武法天應道皇帝公是時已
為柳州刺史表疏可見非礼部
表也當題云柳州賀冊尊号表

臣某伏奉月日制係曰元和十四年七月陛下膺

受尊號率土臣子慶抃無窮臣聞立極之大四

海無以報神功配天之尊萬物不能崇聖德唯

有徽號是彰中興所以上探天心下極人欲中

伏惟元和聖文神武法天應道皇帝陛下統承

千載光被六幽韓曰蚤蟹並食苗虫蠹蟻盡除上音蚤下亦作賊

福應皆集有首有趾咸識太平勲臣增爵祿之

榮戎士加賞延之寵片善必錄微功盡昇獨惟

卷十一

四

聖謩事絕酬答萬國缺望

韓曰缺望怨望也百缺古穴窺睡二切

功怨思

孫曰百功合作百工

是以啓元和之盛典延穹昊

之景祚理曆疑命寔曰聖文和衆定功時惟神

武運行有法天之用變化乃應道之方鬼神協

謀夷夏同志大禮既建鴻恩遂行歡呼遠匝於

九圍

韓曰帝命式于九圍

滂濊普周於八裔

滂所禁所錦二切濊音鹿

慶超遂古美冠將來巨獲守蠻荒

韓曰公時爲柳州刺史

遠承大典潢汙比陋河清幸遂於千年

韓曰文選運命

論黃河清而聖人生注黃河千年一清

塵壤均微山呼願同於萬

歲

韓曰漢武帝元封元年用事華山登嵩吏卒咸聞呼萬歲者三

無任慶賀屏

營之至

為京兆府請復尊號表三首

韓曰此為德宗作也下為耆老等請復尊号表二首皆同盖公為藍田尉時作

臣某言某月日諸縣耆老某等若干人詣臣陳
狀辭意迫切以陛下尊號未復請詣闕上表者
人心已鬱安可久違天意實勤諒難固拒撫狀感
悅深契微誠臣某誠懇誠迫頓首頓首伏惟皇
帝陛下聖神之功貫於天地文武之道超乎古
今諡曰建中元年正月丁卯朔群臣上尊号曰聖文神武皇帝興元元年正月癸亥朔詔中
外書奏不得言盛德愈大而謙光益深玄化已
聖神文武之號

成而徽號未復遂使神祇觖望

觖音決

人庶怨思

一作深

沐浴鴻澤者敢懷晷刻之安捧戴皇恩者

不知寢食之適負媿懷憤萬方一心日日以異

遂淹星歲况今地不愛寶

禮曰地不愛其寶

致百穀之

豐穰天惟降衷

書惟皇上帝降衷于下民衷善也

呈衆瑞而

繁委汚萊瘠鹵之地

鹵地

混成大田

張曰詩大田多

稼草木蟲獸之微化為神貺萬靈垂鑒昭然甚

明此而不從臣所大惑矧又兵戎永戢夷狄咸

懷

一作夷夏懷柔

昭然長春

昭一作照樂以終日

以一作只是以

耆老等深感聖育踴躍不寧上奉天恩跼蹐知

懼

局音脊

頓顙闕下願復鴻名不謀而同無期

而至此皆上玄幽贊以誘其衷列聖垂靈以悟

其意臣以為陛下當敬于斯言不可忽也臣又

伏以陛下賞功與能舉賢出滯小言不廢片善

是褒豈可使臣子之効雖微而必旌君父之德

盡美而無稱凡在覆載

一有孰不競惶四字

不勝懇禱惶

恐之至

惶恐一作恐懼

謹封耆老等狀奉表昧死陳請

以聞謹言

第二表

一本云此第二表闕此表乃下為耆老等請復尊号第三表也

京兆府長安縣耆老臣石靈等言

靈一作靈徒濫切

伏

奉墨詔批臣所請復尊號

一作批答臣等云云

未蒙允許

者捧對惶遽不知所裁天實命之於臣何有臣

等誠懇誠懼頓首頓首臣聞聖君以奉天爲心

不以謙冲爲德以順人爲大不以崇讓爲優今

陛下深拒天人之誠猶懷謙讓之道臣等愚惑

未知所歸且百祥荐臻特表昊穹之睠

盲倦切

五

穀蕃熟用彰右土之勤億兆嗷嗷

音熬

籲天請命

孫曰書无辜籲天注籲呼也

上下交應幽明同心舉而違之

臣所未識况臣等共被仁育同臻太和陛下德

達上玄以豐臣之衣食道躋壽域以延臣之歲
年沐浴皇風二十餘載兒童感化鰥寡知恩故
臣等出鄉之時歡呼遍野閭里勉臣以不進不
止妻孥誓臣以不遂不歸唯竭血誠退無面目
便當墮首闕下終不徒還伏惟陛下照臣懇迫
之情一作誠哀臣羸老之命臣等不勝嗚咽慙恨
之至謹奉表陳謝以聞

第三表

臣某言臣伏以耆老等並皆發丹誠一作无皆字將貫
白日請復徽號以光聖謨臣以其懇款自中不

可禁止遂抗表陳請備述微誠伏奉墨詔批荅

未蒙允許者衆心尚阻天意未從懇迫逾深兢

惶無措臣某伏惟皇帝陛下道大益謙化成彌

損雖江海善下

孫曰老子江海所以能爲每應百谷王者以其善下之也

朝宗之心

孫曰書江漢朝宗于海

而日月居高又稱照臨

之位況復上承天命下覩人誠若然辭之理有

不可伏以陛下功參造化政體乾坤萬邦宅心

百靈效職此聖之至也明並兩曜信如四時先

天不違窮神知化此神之極也道德純備禮樂

興行宸翰動於三光睿藻窮於六義

童曰詩序故詩有六